

num. 70
24. f. 12. 11- 21 8

De Prodigijs
CHRISTI MORTE
MINENTISSIMO AC REVERENDISSIMO
PRINCIPI
BENEDICTO
ODESCHALCO
S. R. E.
CARDINALI AMPLISSIMO
Vaticinium.



De Prodigijs

IN CHRISTI MORTE

EMINENTISSIMO AC REVERENDISSIMO

P R I N C I P I

BENEDICTO

ODESCHALCO

S. R. E.

CARDINALI AMPLISSIMO

Vaticiniorum.





EMINENTISSIMO PRINCIPI

BENEDICTO ODESCHALCO

S. R. E. CARDINALI AMPLISSIMO
IOSEPH CACCAVARIUS

FEDELTATEM



Arctantis Authori suo Naturæ
Prodigia, ne amplius, his præci-
pue diebus, (qui, cum vel vio-
lati, vel consecrati sint communis


vindicis cæde, multo melius, quam Martiæ
Idus ob tyranni Cæsaris mortem, Parricidii
cognomen merentur) terreat Orbem, Ab-
nitiis vincita numeris, Tibi defero E. P. Satis enim

est, Mundum, vbique flagrante bello, seipsum plorasse. Sed quibus portentis trepidam prius mentem aduertam? Hinc rimosæ Caluariæ Rupes adeo execrandæ necis consciaë inclusa suspiria è ruinarum spiramentis excludunt, inde bellica tormenta aduersus hostem, eiusdem conscia furoris sæuis ænearum mortuum puerperijs seipsa expectorant. Sed quid mihi cum pugnis? Auerni militibus Tartareo in Regno gerenda bella relinquo: Ad solimam vocat Pietas. Sed quo? comprehenso iam ab atris tenebris Sole, prorsus eripitur dies, nec mirum. Deo Inferiæ humili soluuntur funere, heu discrimen! honestauit enim eiusdem cunabula multiplicatis syderibus Polus, modo cunctas, Eo moriente, extinguit faces; sed noctem hanc ne somno natam putes; Manes enim, qui dormierant, resumptis corporum antiquorum exuijs surrexerunt; ambierant proculdubio sepulcra tantum excipere hospi-

rant, ejecerint; suspicatos reor, licet nondum
 nouissimam audissent Tubam; ex signis ex-
 tremum Diem; Nec viuentes ab hac discesse-
 runt sententia; Atratus coram Iudice suo mū-
 dus, atque orbatus luminibus, quibus tam
 male viderat lumen suum, trepidat: Hinc
 nusquam Eminentissime Princeps perfugij
 superest locus, nisi micante Purpuræ Tuæ
 splendore ductus, ad Te confugiam: auda-
 ciæ tamen ignoscas quæso. Arcebat qui-
 dem Tua Veneranda Majestas, singularis
 tamen Clementia, atque benignitas prouoca-
 uit, animauit, illexit; Neque mirandum
 erit, quod lacrimabiles gemitus, canoris me-
 tris deuinxerim, non ignoras enim proprium
 esse Cygni funeri exequiales admiscere can-
 tus, hoc vnum non me latet, laborare sub
 ingenti materia tenues conatus meos, nec di-
 gnos esse, qui tantum haberent Argumen-
 tum, tantumque Patronum; qualescunque
 sint, effusi, magnique animi exiguum Pi-

gnus ne dedigneris læta fronte suscipere, Cui
interea longam sælicis æui seriem voueo pre
corque, vt Christiano Orbi, publicæque vti
litati diu Viuas.

DE PRODIGIIS IN CHRISTI MORTE Vaticinium.



Ol retro! Purpureæ potiori jure meabis
Limé ad Auroræ: prorsus nec mēte recessit
Grande Thiesteū scelus: en Caluaria Scena

Panditur ætherei Regis temerata cruore
Hac celebri mœstaque die, ostentatque furorem
Isacidum, & facinus, quo non immanius vllum
Mœnia Thebarum spectarunt, siue Micenæ.
Phæbe redi; & nostras duplicato lumine noxas
Immensumque Dei nos morte piantis amorem
Cernere da. Videant fontes, pudeatque videre
Debuerit soluisse suas quæ Victima culpas.
Phæbe redi. Nostra ista dies. Cur semper Orestes
Iactentur scenis? aut cur pulsata fatiscat
Ædipodion? toties Orchestra Cothurno?
Casibus Argolicis Plectrum furare parumper (scūt)
Melpomene, (& quoniā lacrymas noua funera po-
Si qua est præsentis luctus memorare voluptas,
Incipe funesta mecum sub fronde Cupressi.
Triste iuuat carmen, lætæ procul este Camenæ.
Heu nil dulce canam. non hoc vult talia tempus,
Tene fleam Superum Rex, an magis execrabilis

Quorum barbaries fecit, Tu vt flebilis esses?
 O Furiae, humana sub imagine, fontis Auerni,
 Tortorum digni, Poliphemorumque Lanistae,
 Hoc vobis licuisse immani perdere letho
 Delicias terrarum, & Caeli munera Numen
 Omnibus optatum saeculis, genus ab Ioue summo;
 Regia cui Solimae, sacri cui culmina Templi
 Debuerant pandi, & fumare Altaria toto
 Diuitis Arabiae censu: quae debita vobis
 Praemia, quasue precor pro tam furialibus ausis
 Crudeles poenas? postquam stagna horrida Ditis
 Accipient fontes Animas, non Cerberus oris
 Tergemini rictu sceleratos distrahat artus,
 Non, Iecur aeternum Titij qui lancinat, Ales
 Vnguibus, & rostro fibras populetur adunco;
 Carnifices vestri vos este; haud tetrior vllus
 Tortor in immenso, & vobis sit dignior Orco.
 Caluariae Rupes, morienti conscia saxa
 Regi, funestae rupes, feralia saxa
 Caluariae, nunquam e caelo vos irriget imber
 Matutinus, honos florum neque vestiat vnquam,
 Omnis enim decor in vobis, omnisq; voluptas,
 Omnis amabilitas, vno cum Numine, fato
 Occidit: heu saeuæ rupes! & crimine tanto
 Securæ! nihil in vos diræ aut carmina possunt.
 Omnia sint tanti: roris vos scilicet almi,
 Aestus, desiderium, & contingat egestas.

Diuini pluuias, quas sanguinis iunber inundat?
 Parcamus diris. Vos letis frondibus Auræ
 Assuetæ Platani mecum, nemorumque Volucres
 Carminibus solitæ toties colludere nostris,
 Candida si vobis Fortuna, & funere nullo
 Gaudia lesa, alios felices quærite Vates,
 Qui dulci calamo genialia carmina fundant;
 Iosephi penitus fugit de corde Voluptas.
 Ite alio lætæ Volucres: mihi tristis Hyrundo,
 Aut si qua in syluis vacuos gemit Ardea nidos,
 Angusta in cauea aut repetit Philomela querelas,
 Adsit, & admodulet questus, lamentaque miscens
 Alternet gemitus mecum, alternetque dolores.

Tutamē Ausonię Decus ac ter maxime Princeps,
 Palladis auricomæ, Themidisq; insignis Alumnus
 Nomina Patrum inter, queis rectrix maxima mūdi
 Roma coronari gaudet, tantoque Senatu
 Eminent, atque Orbi prescribens sacra superbit
 Dogmata, queis stygij Manes, queis Cerberus horret
 Eumenidesque atræ, gens implacabilis Orci,
 Sanguine quæ fuso gaudent; stellantis Olympi
 Cœlicolæ contra letum Peana resultant:
 Incultam hanc Vatis non dedigneris Auenam,
 Et tristes attende modos; velut aure benigna
 Supplicis audisti gemitus, & tristia vota
 Sarmatiæ, Odrisio gelidos lacerante Triones
 Gradivo, qualis congesto flumine torrens

Iam solitæ dedignatus cunabula ripæ,
 Oppositas vrget rupes, humilesque ruinis
 Damnat agros, siccas, aut depopulatur aristas
 Flante Noto, rapidus totasque in pabula vertit
 Æternas sylvas ignis; velocior Euro
 Sic volitabat Equis Furor, immensoque tumultu
 Barbara confertis vrgebant agmina telis.
 Ferreus hastarum hinc Turbo, amorumque procella
 Agmina sternebat sacris deuota latinis;
 Plumbea cum Grando volitanti pondere terras
 Apprimeret, subito te Præsides vidimus auro
 Fulgere, quæ rigido squallebant sæcula ferro:
 Nempe velut densos currentia munera nimbos
 Cernere semper erat: Thraces iam ponite ferrum?
 Nil plumbo hic juris. nostris saturnia terris
 Sæcla fluunt. Princeps nempe Odeschalchius illa
 Purpureus cudit, centum mox cudit eodem
 Fama Tubas auro; gentes queis læta per omnes
 Grande ferat Nomen; postque vltima fata superstes
 Pulcior à Tumulo, tam clara Nepotibus edat
 Gesta sacri Herois, quæ nec ventura silebunt
 Lustra, nec ignota rapiet sub nube Vetustas.
 O igitur fauceas Vati, perque auia Pindi
 Me vehè, & ingenio diuinum Heliconâ reclude;
 Vt tua, sit modo vita comes, Præconia, quamuis
 Exiguus Plectri, tantis nec idoneus ausis,
 Prosequar, & sæclis memorem discenda futuris.

Interea hic mea Musa file, lacrymisque subortis
Pone modum, simul acturgentia lumina terge,
Isacides donec meliori voce Sacerdos
Talibus aggreditur dictis atque ore profatur.

Quæ noua tranquilli faciem Nox efferat orbis
Ausu diem medium, non & sua tempora nigris
Irrupisse rotis? Stygiæ ne viginis illam
Conflauit vapor? An senio defessa vetusto
In Chaos antiquum properant Elementa reuerti?
Aspice. Sol medio dependens æthere, cursus
Vergit in Occasum, tenebrisque obnubilat orbem!
Illi nec cæci trepida in vertigine Mundi
Accendisse vacat stellas, seu Lampada Lunæ.
Omne jubar prorsus nigranti ex axe periret
Ni coelo ammissam repararent Fulgura lucem.
At ferale rubent supera in statione comati
Ignes, horrendo aspectu variisque figuris.
Quid memorem horrificis latè volitantia formis
Umbrarum Simulacra? erumpentesque sepulcris
Attonitos, mesto comitante cadauere, Manes?
Quid memorê ingentes gemitus, mœstaq; querelas
Auditas inter syluas, mediasque per Vrbes?
Quid Solimi Templi venerandum gentibus olim
Excisum velum & ventorum turbine raptum?
Vnde repentinus Libani super ardua terga
Incubuit, vertitque omnem è radicibus imis
Turbo triumphalem Syluam Cedrisque superham?

Quin etiam horrendum! visi concurrere Montes
 Montibus effractis, trepidanti terra fragore
 Soluit in exesum gremium se, imasque cauernas.
 Iordanes Superis quondam gratissimus amnis
 Et Superum Regi, ignoto mæstissimus antro
 Occuluit caput, atque atro velatus amictu
 Muscosos humeros, muscosaque pectora, arenis
 Incumbens, lacrymis auget manantibus vndas,
 Mox etiam terræ furibundo absorptus hiatu,
 In mare non, liquidas in Tartara detulit vndas.
 An referam nemorum auditas de nocte querelas,
 Latratuque Canum? sudantia marmora Templis?
 Nulla quies. timidumq; fugit genus omne ferarum.
 Insuper ardentem, ruptis fornacibus, Æthnam
 Vidimus ad fyculos flammæ immittere campos.
 Quin mesto Cœlo delapsus sanguinis Imber
 Purpureo latè per campos gurgite fluxit.
 Quod genus exitij, portenta hæc sæua minantur?
 Et quasnam ista dabunt diras præludia scenas?
 Oceano an rursus largo molitur aquarum
 Omnipotens Genitor totas sumergere terras?
 Crudeli an rursus nimbo defusus ab astris,
 Ceu quondam, absomet populos Vulcanius Ardor?
 Nil vulgare, nihil priscum quod viderat æuū
 Venturum timeo! (nec me sententia fallit)
 Nam fuit haud vnquam manifestior ira Tonantis,
 Quam fibris Pecudum, ique imis aspeximus extis:

Nectantum lacrymataæ Aræ, Pecudesque loquuta
 Vnquam, nec tanto strepuit Natura tumultu!
 Heccine floriferi terris exordia Veris?
 Talibus auspicijs Cœlo se ostendere gaudet?
 Hoc anni Imperium comitatu, & Sceptra resumit?
 Heu miseram rerum faciem! labefactaque Mundi
 Fœdera & oh nimium nobis lacrymabile tempus!
 O saltem liceat Superi cognoscere causas,
 Queis, hoc exitium tantum descendit in orbem,
 Et quem parturiant dira hæc miracula finem?
 Non penitus nostrum trepidat formidine pectus,
 Quin etiam hæc inter mærentia nubila fulget
 Nescio lætitiæ quænam scintilla speique.
 Scilicet haud memori decessit mente, quod olim
 Maximus interpres Diuinæ Legis Iacob
 Sæpe mihi cecinit puero: sælicibus annis
 Edite cresce Puer, tecum Rex crescet Olympi,
 Qui valida dextra Isacidas in Sceptra reponet.
 Vergit in obscurum tumulum mea tarda senectus,
 Vos spes in tantas Iuuenes modo crescite terris,
 Venturisque hilares fatis aduertite mentem:
 Quæ vehit optatam mortalibus hora salutem,
 Non illam partu dabit orbi Aurora sereno,
 Lucida nec rosei cunabula Solis habebit.
 Noctis ab amplexu densa caligine tecta
 Per vaga syderei Cæli conuexa feretur
 Prodigijs varijs volitantibus ordine longe

Ante ipsum cœsum, diris, feralibus, atris;
 Attamen attoniti metuenda hæc scena patris
 Lucem orbi pariet lustris labentibus olim,
 Cui preseruaturn totus se debeat orbis.
 Hæc Senior: Quis vero sciat num nubila Solem
 Ista ferent illum, quo exorto gandeat orbis?
 Vere tener mundus lucem conspexit amicam,
 Et data sunt paruo cunabula lucida Soli.
 Vere etiam rursus renouari sæcula fas est:
 Quod si per cladem naturæ & funera Mundi,
 In populos lux ista venit lucemque laborant
 Astra dare hanc, trepidi Mortales ponite fletus.

Tuque Deus Cæli, ac rerum iustissime Princeps
 Fulmina congemina, & totam radicibus imis
 Erue terrarum Molem, vel celsus Olympus
 Decidat in nihilum, tenebris se vestiatur orbis.
 Ipsa nec Astra vacent: gladij fulgore nitentis
 Empirei scindat Regnum nimbofus Orion,
 Vertat Apollineos currus, Phæbique Sororem
 Precipitet Cælo, Stellarumq; obruat ignes;
 Omnia sint terris rudis, indigestaque Moles.
 Post Cæli tamen hos Elementorumque labores,
 Phœnici veluti cinis est certissima vitæ
 Sementis, meliorque suo confurgit ab igne:
 Sic Natura sua melior de clade resurgat,
 Alter & hinc terris nascatur temporis ordo,
 Lumina vestitus meliori rideat Æther.